

POZIV ZA NEZAPOSLENE OSOBE SA INVALIDITETOM

Ovim putem obavještavamo da **Udruženje građana "Nešto Više"** u okviru projekta **Inkluzijom protiv diskriminacije osoba sa invaliditetom**, raspisuje **POZIV za prijavu korisnika projekta**.

Projekat **Inkluzijom protiv diskriminacije osoba sa invaliditetom** UG Nešto Više implementira uz podršku **Ambasade Kraljevine Holandije u BiH** na području 9 općina Kantona Sarajevo: **Centar, Novi Grad, Novo Sarajevo, Stari Grad, Hadžići, Ilidža, Ilijaš, Vogošća i Trnovo**.

Projekat je namijenjen za **30 nezaposlenih osoba sa invaliditetom (OSI)** koje imaju **teže poteškoće pri kretanju**: korisnici invalidskih kolica ili drugih ortopedskih pomagala neophodnih za kretanje, u dobi između 18 i 40 godina, od čega minimalno 50% trebaju biti djevojke/žene.

U cilju poboljšanja konkurentnosti OSI na tržištu rada i mogućnosti njihovog zapošljavanja za korisnike projekta će tokom šest mjeseci (od 15.03. do 15.09.2012.) biti osigurane sljedeće obuke:

- **Informatička obuka iz oblasti** će se izvoditi u Centaru za poslovnu edukaciju, Sarajevo (CPe)
 - a) **Poslovna informatika** (operater na računaru + napredni operater na računaru – 3 + 3 mjeseca: ukupno 6 mjeseci): dvije grupe od po 10 korisnika, i
 - b) **Grafički dizajn** (osnove – 2 mjeseca, auto CAD – 2 mjeseca i osnove web dizajna – 2 mjeseca: ukupno 6 mjeseci): jedna grupa od 10 korisnika

Svi korisnici će po završetku dijelova obuke polagati ispite, te biti u prilici da dobiju CPe certifikate kompanije Multicom d.o.o, koji su prepoznati od strane poslodavaca u FBiH.

- **Šest dvodnevnih interaktivnih treninga iz osobnih i specifičnih životnih vještina** (osoblje/konsultanti Nešto Više)
 - a) Specifične vještine za olakšanje svakodnevnog života OSI
 - b) Vještine komunikacije i pregovaranja
 - c) Liderstvo i sljedbeništvo
 - d) Organizacije civilnog društva + izrada prijedloga projekta
 - e) Budžet, izvještavanje, prikupljanje sredstava
 - f) Izrada poslovnog plana

Svi korisnici će po završetku treninga dobiti certifikate o učešću.

Korisnici će biti organizirani u tri grupe po 10 ljudi: svaka grupa će sa voditeljima projekta osmisliti način grupnog prijevoza na/sa edukacija, a **troškovi prijevoza** će biti osigurani kroz projekat.

Zainteresirani kandidati **treba** da ispunjavaju sve navedene **kriterije**:

- Da su osobe sa tjelesnim invaliditetom zbog čega imaju izražene poteškoće pri kretanju, ali prednost će imati osobe koje koriste ortopedska pomagala (invalidska kolica, proteze ili druga ortopedska pomagala neophodna za kretanje) i
- Da su životne dobi između 18 i 40 godina, i
- Da su nezaposleni, te prijavljeni na jedan od sljedećih biroa za zapošljavanje: Centar, Novi Grad, Novo Sarajevo, Stari Grad, Hadžići, Ilidža, Ilijaš, Vogošća ili Trnovo, i
- Da žive na području Kantona Sarajevo: Centar, Novi Grad, Novo Sarajevo, Stari Grad, Hadžići, Ilidža, Ilijaš, Vogošća ili Trnovo, i
- Da imaju izrazitu motivaciju da učestvuju na svim gore navedenim obukama, te da su spremni potpisati memorandum o razumijevanju sa UG Nešto Više ukoliko budu odabrani za polaznike obuka.

Posebno se ohrabruju kandidati koji:

- Imaju završenu SSS,
- Nikada nisu bili zaposleni.

Način prijave:

Kandidati mogu da se prijave u periodu od 09.01.2012. do 17.02.2012. godine i to dostavljanjem sljedećih dokumenata:

1. Popunjen i potpisan formular prijave (formu prijave tražiti na biroima, isprintati sa www.nestovise.org ili iskopirati od nekoga)
 2. Pismo motivacije (na jednoj stranici opišite koliko ste i zašto motivirani/zainteresirani da budete korisnik projekta i zašto biste sebe predstavili kao dobrog kandidata; potpišite se)
 3. Dokaz o vrsti i stepenu invaliditeta (nalaz, ocjena i mišljenje nadležnog organa ili Rješenje iz kojeg se može utvrditi procenat invalidnosti nezaposlene osobe i pravo na tuđu njegu i pomoć)
 4. Potvrda sa biroa (jednog od devet gore navedenih) da su nezaposleni
 5. Potvrda o prebivalištu (CIPS) kao dokaz da žive na jednoj od gore navedenih općina (može biti starija od 6 mjeseci)
 6. Diplomu o završenom školovanju
- (Napomena: Za dokumente od 3 do 6 dovoljne su kopije).

Prijave se mogu slati isključivo poštom na adresu: **Udruženje građana Nešto Više**
(Za projekat: Inkluzijom protiv diskriminacije osoba sa invaliditetom)
Trg Sabora bosanskog 36, 71000 Sarajevo

Prijave poslate nakon **17.02.2012.** (vidljivo na omotnici) neće biti razmatrane. Kandidati će biti kontaktirani telefonom, te će se sa istima obaviti individualni razgovor u periodu od 21. do 29.02.2012., nakon čega će se odabrati 30 finalnih korisnika projekta. Za sve dodatne informacije, obratite se na: inkluzija@nestovise.org ili na tel: 033/788-740.